

《正史汇目》第十八 两《唐书》部

(一)《旧唐书》未成前目

房玄龄监修《国史》

《唐书·房玄龄传》：太子即位，为中书令，进尚书左仆射，监修《国史》。

朱子奢监修《国史》

《唐书·儒学·朱子奢传》：贞观初，以散官直国子学，累转谏议大夫，弘文馆学士。帝尝诏起居纪录臧否，朕欲见之，以知得失，若何。子奢曰：陛下所举无过事，虽见无嫌，然以此开后世史官之祸，可惧也。史官全身畏死，则悠悠千载，尚有闻乎。

褚遂良监修《国史》

《唐书·褚遂良传》：博涉文史，工隶楷，迁谏议大夫，兼知起居事。帝曰：卿记起居，大抵人君得观之否？对曰：今之起居，古左右史也，善恶必记，戒人主不为非法，未闻天子自观史也。帝曰：朕有不善，卿必记邪？对曰：守道不如守官，臣职载笔，君举必书。刘洎曰：使遂良不记，天下之人亦记之矣。帝曰：朕行有三，一监前代成败，以为元龟；二进善人，共成政道；三斥远群小，不受谗言，朕守而勿失，亦欲史氏不能书吾恶也（《唐书·百官志》起居郎二人，从六品，上掌录天子起居法度，天子御正殿，则郎居左，舍人居右，有命俯陛以听，退而书之，季冬以授史官。贞观初，以给事中谏议大夫兼知起居注，或知起居事，每仗下议政，起居郎一人执笔记录于前，史官随之其后。复置起居舍人，分侍左右，秉笔随宰相入殿，若伏在紫宸内阁，则夹香案分立殿下，直第二螭首，知墨濡笔，皆即坳处，时称螭头。贞观三年，置起居郎，废舍人，史馆修撰四人掌修国史）。高宗即位，封河南县公，拜吏部尚书，同中书

门下三品,兼修国史。

令狐德棻兼修《国史》

《唐书·令狐德棻传》:贞观三年,迁吏部侍郎,兼修国史。

许敬宗兼修《国史》

《唐书·许敬宗传》:贞观中,除著作郎,兼修国史。

敬播等《高祖太宗实录》四十卷

《唐书·儒学·敬播传》:始播与许敬宗撰《高祖实录》,兴创业,尽贞观十四年(《旧唐书·敬播传》播与给事中许敬宗撰高祖太宗实录,自创业至于贞观十四年),凡四十卷奏之,赐物五百段。

《旧唐书·房玄龄传》:以撰《高祖太宗实录》成,降玺书褒美,赐物一千五百段。

《旧唐书·孙处约传》:约以预修太宗实录成,赐物七百段,三迁中书侍郎。

《旧唐书·许敬宗传》:贞观十七年,修武德贞观实录成,封高阳县男,赐物八百段。

《唐书·艺文志》:《高祖实录》二十卷,敬播撰。房玄龄监修,许敬宗删改。《今上实录》二十卷,敬播、顾胤撰,房玄龄监修。

于志宁兼修《国史》

《唐书·于志宁传》:(晋王)为皇太子,复授左庶子,迁侍中,加光禄大夫,监修国史(案:晋王为皇太子事在贞观十七年,此十七年之后事也)。

李延寿兼修《国史》

《唐书·李延寿传》:贞观中学士,以修撰劳转御史台主簿,兼值国史,迁符玺郎,兼修国史。

李延寿《太宗政典》三十卷

《旧唐书·李延寿传》:贞观中,补太子典膳丞,崇贤馆学士,转御史台主簿,兼值国史,尝撰《太宗政典》三十卷,表上之。

高冯监修《国史》

《唐书·高冯传》：冯字季辅，迁中书令，兼检校吏部尚书，监修国史。

以上太宗时

张行成等监修《国史》

《唐书·张行成传》：高宗即位，封北平县公，监修国史。

《唐书·令狐德棻传》：永徽初，复为礼部侍郎，弘文馆学士，监修国史。

《唐书·许敬宗传》：高宗即位，拜侍中，监修国史。

《唐书·李义府传》：高宗立，迁中书舍人，兼修国史。

《唐书·文艺·刘延祐传》：伯父胤之，永徽初以著作郎、弘文馆学士与令狐德棻、阳仁卿等撰次国史。

李义府监修《国史》

《旧唐书·李义府传》：永徽二年，兼修国史，加弘文馆学士，寻擢拜中书侍郎，同中书门下三品，监修国史。

褚遂良《国史》

《唐书·褚遂良传》：高宗即位，封河南县公，进郡公，再岁拜吏部尚书，同中书门下三品，兼修国史。

崔敦礼监修《国史》

《唐书·崔敦礼传》：永徽四年，拜侍中，监修国史。

苏引兼修《国史》

《唐书·令狐德棻传》：苏引，苏州人，永徽中，累迁起居郎，兼修国史。

敬播等《太宗实录》二十卷

《旧唐书·敬播传》：永徽初，拜著作郎，后历谏议大夫、给事中，并依旧监修国史。又撰《太宗实录》，从贞观十五年至二十三年，为二十卷，奏之，赐帛三百段。

长孙无忌等《武德贞观两朝史》

《旧唐书·长孙无忌传》：显庆元年，无忌与史官国子祭酒令狐德棻缀集

武德贞观两朝史为八十卷,表上之,无忌以监领功,赐物两千段。

许圜师兼修《国史》

《旧唐书·许绍传》:绍少子圜师有器干,博涉艺文,举进士。显庆二年,累迁黄门侍郎,同中书门下三品,兼修国史。

张大素修《国史》

《唐书·张公瑾传》:子大素,龙朔中历东台舍人,修国史,著书百余篇。

郝处俊等监修《国史》

《旧唐书·高宗本纪》:调露元年八月丁巳,侍中郝处俊、左庶子高智周、黄门侍郎崔知温、给事中刘景先兼修国史。

《旧唐书·郝处俊传》:咸亨四年,监修国史。

刘仁轨等监修《国史》

《唐书·刘仁轨传》:拜太子左庶子,同中书门下三品,监修国史。

《旧唐书·高宗本纪》:上元二年八月庚子,太子左庶子同中书门下三品乐成侯刘仁轨为左仆射,依旧监修国史。中书门下四品大理卿张文瓘为侍中,中书侍郎同三品,甌山公郝处俊为中书令,监修国史如故。吏部侍郎检校太子左庶子监修国史李敬玄吏部尚书兼太子左庶子同中书门下三品,依前监修国史。

以上高宗时

武承嗣监修《国史》

《唐书·武后本纪》:垂拱二年二月,武承嗣同凤阁鸾台三品。

《唐书·武承嗣传》:垂拱初,以春官尚书同凤阁鸾台平章事,监修国史。

元万顷等兼修《国史》

《唐书·艺文·元万顷传》:垂拱中,历鸾台天官二侍郎,春官尚书同凤阁鸾台平章事,兼修国史。

《旧唐书·范履冰传》:垂拱中,迁春官尚书同凤阁鸾台平章,兼修国史。

路敬淳兼修《国史》

《唐书·儒学·路敬淳传》:天授中再迁太子司议郎,兼修国史。

刘知几兼修《国史》

《唐书·刘子玄传》:子元名知几,武后证圣初,子玄上书,后嘉其直,累迁凤阁舍人,兼修国史。

刘允济修《国史》

《唐书·文艺传》:允济为著作佐郎,修国史,常曰史官善恶必书,使骄主贼臣惧,此权顾轻哉。而班生受金,陈寿求米,仆视之如浮云耳。迁凤阁舍人。

崔融兼修《国史》

《唐书·崔融传》:长安二年,迁凤阁舍人,三年,兼修国史。

韦承庆兼修《国史》

《旧唐书·韦思谦传》:子承庆,长安初,入为司仆少卿,转天官侍郎,兼修国史。

武三思监修《国史》

《唐书·外戚·武三思传》:三思当天后时,累进春官尚书,监修国史。

刘之宏兼修《国史》

《旧唐书·刘伯庄传》:子之宏亦传父业,则天时,迁著作郎,兼修国史。

王琳监修《国史》

《唐书·王琳传》:武后时,以老乞身,改麟台,监修国史。

以上武后时

豆卢钦望等监修《国史》

《旧唐书·豆卢钦望传》:中宗即位,以钦望宫僚旧臣,拜尚书左仆射,知军国重事,兼检校安国相王府长史,兼中书令,知兵部事,监修国史。

《旧唐书·张柬之传》:中宗即位,迁中书令,监修国史。

《旧唐书·魏元忠传》:则天崩,中宗居谅闇,累封齐国公,监修国史。

《旧唐书·徐彦伯传》:神龙元年,迁太常少卿,兼修国史。

《旧唐书·祝钦明传》:中宗即位,拜国子祭酒,同中书门下三品,加青银

光禄大夫,历刑部礼部两尚书,兼修国史。

崔融等《则天实录》二十卷

《旧唐书·崔融传》:长安二年,兼修国史。四年,拜国子司业,兼修国史。神龙二年,以预修《则天实录》成,封清河县子。

《旧唐书·徐彦伯传》:以预修《则天实录》成,封高平县子。

《旧唐书·韦思迁传》:神龙初,以修《则天实录》之功,赐爵扶阳县子。

《旧唐书·魏元忠传》:神龙二年,元忠与武三思、祝钦明、徐彦伯、柳冲、韦承庆、崔融、岑羲、徐坚等撰《则天皇后实录》二十卷,奏之,中宗称善,赐元忠物千段。

《旧唐书·刘子元传》:以修《则天实录》功,封巢县子。

李峤监修《国史》

《旧唐书·李峤传》:峤为中书令,加修文馆大学士,监修国史。

张锡兼修《国史》

《唐书·张锡传》:神龙中,累迁工部尚书,兼修国史。

唐璇兼修《国史》

《唐书·唐璇传》:景龙二年,致仕,未几复起,为太子少师同中书门下三品,兼修国史。

柳冲修《国史》

《唐书·儒学·柳冲传》:中宗景龙中,迁左散骑常侍,修国史。

以上中宗时

魏知古等修《国史》

《唐书·魏知古传》:知古方直有雅才,擢进士第,以著作郎修国史。睿宗立,拜黄门侍郎,兼修国史。

《唐书·儒学·徐坚传》:睿宗即位,授太子左庶子,兼崇文馆学士,修国史。

张说等监修《国史》

《唐书·张说传》:睿宗即位,擢中书侍郎,兼雍州长史,逾年,进同中书门

下平章事,监修国史。

《旧唐书·陆元方传》:子象先,景云元年冬同中书门下平章事,监修国史。

窦怀贞等监修《国史》

《旧唐书·睿宗本纪》:先天元年八月庚戌,窦怀贞为尚书左仆射同中书门下三品,仍兼御史大夫。刘幽求为尚书右仆射,依旧同中书门下三品。魏知古为侍中,崔湜为中书令,令并监修国史。

岑羲监修《中宗实录》

《唐书·岑文本传》:孙羲字伯华,初,节愍太子之难,冉祖雍诬帝及太平公主连谋,赖羲与萧至忠保护得免,羲监修《中宗实录》,自著其事,帝见之赏叹,赐物三百段,良马一匹,下诏褒美。

以上睿宗时

张说修《国史》

《唐书·张说传》:说既罢政事,在集贤院专修国史,虽致仕一岁,亦修史于家。

吴兢《唐书》一百卷

《唐书·吴兢传》:兢少厉志,贯知经史,方直寡谐比,惟与魏元忠、朱敬则游。二人者当路,荐兢才堪论撰,诏直史馆修国史,迁右拾遗内供奉。神龙中,改右辅阙,累迁起居郎,与刘子玄、徐坚等并职。玄宗初立,以母丧去官,服除,自陈修史有绪。睿宗崩,《实录》留东都,诏兢驰驿取进梓宫。始兢在长安、景龙间任史事,时武三思、张易之等监领,阿贵朋佞,酿泽浮辞,事多不实,兢不得志,私撰《唐书》、《唐春秋》,未就。至是巧官笔札,冀得成书,诏兢就集贤院论次。时张说罢宰相在家修史,大臣奏国史不容在外,诏兢等赴馆撰录,进封长垣县男。久之,坐书事不当,贬荆州司马,以史草自随。萧嵩领国史,奏遣使者就兢取书,得六十余篇。天宝初,入为恒王傅,虽年老衰倦甚,意犹愿还史职,李林甫嫌其衰不用,卒年八十。兢叙事简核,号良史。

《旧唐书·李元纘传》:左庶子吴兢旧任史官,撰《唐书》一百卷,《唐春秋》

三十卷,书未成以丁忧罢职。至是上疏请终其功,有诏特令就集贤院修成其书。及张说致仕,又令在家修史。元纘奏曰:国史者,记人君善恶,国政损益,一字褒贬,千载称之,前贤所难,事匪容易,令张说在家修史,吴兢又在集贤院撰录,遂令国之大典,散在数处。且太宗别置史馆,在于禁中,所以重其职而秘其事也。望敕说等就史馆参详撰录,则典册有凭,旧章不坠矣。从之,乃诏说及吴兢并就史馆修撰。

吴兢《唐书备阙记》十卷

按:见《唐书·艺文志·杂史类》。《中兴书目》云,集高宗、武后、中宗、睿宗、元宗五朝故事,以备史官之阙。

苏颋修《国史》

《唐书·元宗本纪》:开元四年十二月己亥,苏颋同紫微黄门平章事。

《唐书·苏颋传》:开元四年,进同紫微黄门平章事,修国史。

萧萋兼修《国史》

《旧唐书·萧萋传》:开元十七年,加集贤殿学士,知院事,兼修国史。

尹愔兼修《国史》

《唐书·儒学·尹愔传》:初为道士,玄宗尚玄言,有荐愔者,召对喜甚,厚礼之,拜谏议大夫,集贤院学士,兼修国史,固辞不起。有诏以道士服视事,乃就职,颛领集贤、史馆图书。

杨国忠监修《国史》

《唐书·外戚传》:李林甫死,遂拜右相,兼吏部尚书,集贤院大学士,兼修国史。

刘餗修《国史》

《旧唐书·刘子玄传》:子玄子餗,右补阙、集贤殿学士,修国史,著《史例》三卷,《传记》三卷。

郑虔《国史》

《唐书·文艺传》:虔天宝初为协律郎,集缀当世事,著书八十余篇,有窥其稿者,上书告虔私撰国史,虔苍黄焚之。

苏冕《唐会要》四十卷

《旧唐书·苏弁传》:况冕继国朝政事,撰《会要》四十卷,行于世。

以上玄宗时

柳芳《国史》一百三十卷

《唐书·柳芳传》:开元末,擢进士第,由永宁尉直史馆,肃宗诏芳与韦述、吴兢所次国史,会述死,芳续成之。兴高祖讫乾元凡百三十篇,叙天宝后事,弃取不伦,史官病之。

柳芳《唐历》四十卷

《唐书·柳芳传》:上元中,坐事徙黔中,后历左金吾卫骑曹参军,史馆修撰,然芳笃志论著,不少选忘厌,承寇乱,史籍沦缺,芳始谪时,高力士亦贬巫州,因从力士质开元天宝及禁中事,具识本末,时国史已送官,不可追刊,乃推衍义类,仿编年法为《唐历》四十篇,颇有异闻。然不立褒贬义例,为诸儒讥讪。

于休烈等修《国史》

《旧唐书·于休烈传》:肃宗践祚,迁太常少卿,知礼仪事,兼修国史。肃宗谓休烈曰:君举必书,良史也,朕有过失,卿书之否?对曰:禹、汤罪己,其兴也勃焉,有德之君,不忘规过,臣不胜大庆。时中原荡覆,典章殆尽,无史籍检寻,休烈奏曰:《国史》一百六卷,《开元实录》四十七卷,起居注并余书三千六百八十二卷,并在兴庆宫史馆,京城陷贼后,皆被焚烧。且《国史》、《实录》圣朝大典,修撰多时,今并无本,伏望下御史台推勘史馆所由,令府县招访,有人别收得《国史》、《实录》,如送官司,重加购赏。若是史官收得,仍赦其罪,得一部超授官资,得一卷赏绢十匹。数月之内,准得一两卷,前修史官工部侍郎韦述陷贼入东京,至是以其家藏《国史》一百一十三卷送于官。寻转工部侍郎,修国史。

杨綰兼修《国史》

《唐书·杨綰传》:肃宗即位,迁中书舍人,兼修国史。

令狐峘《元宗实录》一百卷，《代宗实录》四十卷

《旧唐书·令狐峘传》：峘博学，贯通群书，杨绾甚称之，及绾为礼部侍郎，修国史，乃引峘入史馆，自华原尉拜右拾遗，累迁起居舍人，皆兼史职。修《元宗实录》一百卷，《代宗实录》四十卷，著述虽勤，属大乱之后，起居注亡失，峘纂开元天宝事，虽得诸家文集，编其诏策，名臣传记，十无三四。后人以漏落处多，不称良史。元和三年，峘子太仆寺丞丕始献峘所撰《代宗实录》四十卷。初峘坐李泌贬监修国史，奏峘所撰实录一份，请于贬所毕功。

李揆修《国史》

《唐书·李揆传》：乾元二年，拜中书侍郎，同中书门下平章事，修国史。

萧华兼修《国史》

《旧唐书·肃宗本纪》：上元二年二月癸未，以前河中尹萧华为中书侍郎同平章事，集贤殿崇文馆大学士，兼修国史。

归崇敬《国史仪注》

《唐书·归崇敬传》：肃宗次灵武，迁起居郎，赞善大夫，史馆修撰，兼集贤殿校理，修《国史仪注》。

李翰《张巡传》

《唐书·文艺·李华传》：子翰擢进士第，天宝末，房琯、韦陟俱荐为史官，翰所善张巡死节睢阳，人媚其功，以为降贼，肃宗未及知，翰传巡功状表上之，帝繇是感悟，而巡大节白于世，义士多之。

以上肃宗时

关播修《国史》

《旧唐书·关播传》：建中三年十月，拜银青光禄大夫中书侍郎同中书门下平章事，集贤殿崇文馆大学士，修国史。

李泌修《国史》

《唐书·李泌传》：贞元三年，拜中书侍郎同中书门下平章事，累封邕县侯，俄加崇文馆大学士，修国史。

崔祐甫修《国史》

《旧唐书·崔祐甫传》:德宗时,转中书侍郎,修国史。

以上代宗时**韦处厚《德宗实录》五十卷**

《旧唐书·韦处厚传》:元和初,授秘书省校书郎,迁右拾遗史职。《德宗实录》五十卷,时称信史。

裴垪监修《国史》

《唐书·裴垪传》:元和初,召入翰林院为学士,李吉甫罢,乃拜垪中书侍郎同中书门下平章事,加集贤殿大学士,监修国史(《唐书·百官志》:史馆修撰四人,掌修国史。注:元和六年宰相裴垪建议登朝官领史职者为修撰,以官高一判馆事,未登朝官皆为直馆)。

裴垪等《德宗实录》

《旧唐书·宪宗本纪》:元和五年十月庚辰,宰相裴垪进所撰《德宗实录》五十卷。

《旧唐书·蒋乂传》:受诏与独孤郁、韦处厚同修《德宗实录》,五年奏御。

李吉甫兼修《国史》

《旧唐书·宪宗本纪》:元和六年正月庚申,以淮南节度使中书侍郎同平章事赵国公李吉甫复知政事,集贤殿大学士,兼修国史。

韩愈等《顺宗实录》

《旧唐书·韩愈传》:时谓愈有史笔,及撰《顺宗实录》,繁简不当,叙事拙于取舍,颇为当代所非。

《旧唐书·宇文籍传》:以咸阳尉直史馆,与韩愈同修《顺宗实录》,迁监察御史。

以上德宗时**路随等《宪宗实录》**

《旧唐书·穆宗本纪》:长庆二年闰十月己亥,敕翰林侍讲学士谏议大夫

路随、中书舍人韦处厚 兼充史馆 ,修撰《宪宗实录》。

《旧唐书·路随传》:穆宗即位 ,与韦处厚同入翰林为侍讲学士 ,将修《宪宗实录》,复命兼充史职。

《唐书·韦处厚传》:处厚与路随共次《宪宗实录》,诏分日入直 ,创具凡例。未及成而终。

以上穆宗时

路随监修《国史》

《旧唐书·路随传》:太和二年 ,韦处厚薨 ,随代为相 ,拜中书侍郎 ,监修国史。初韩愈撰《顺宗实录》,说禁中事颇切直 ,内官恶之 ,往往于上前言其不实 ,累朝有诏改修 ,及随进《宪宗实录》后 ,文宗复令改正永贞时事。

蒋係等《宪宗实录》

《唐书·蒋义传》:义子係太和初直史馆 ,明年拜右拾遗 ,史馆修撰 ,与沈传师、郑澣、陈夷行、李汉参撰《宪宗实录》,转右补阙。

《旧唐书·沈传师传》:传师在史馆 ,预修《宪宗实录》,未成 ,廉察湖南 ,特诏贲一分史稿 ,成于理所。

贾餗监修《国史》

《唐书·贾餗传》:太和九年 ,拜中书侍郎同中书门下平章事 ,俄为集贤殿大学士 ,监修国史。

郑肃监修《国史》

《旧唐书·郑肃传》:开成五年 ,以本官同平章事 ,加中书门下二侍郎 ,监修国史。

以上文宗时

李绅等重修《宪宗实录》

《旧唐书·武宗本纪》:会昌三年十月 ,宰相监修国史李绅 ,兵部郎中、史馆修撰判馆事郑亚进重修《宪宗实录》四十卷 ,颁赐有差。

以上武宗时

周墀监修《国史》

《旧唐书·周墀传》:墀有史才,大中初,迁银青光禄大夫,中书侍郎,监修国史。

崔铉等《续会要》

《旧唐书·宣宗本纪》:大中七年十月,弘文馆大学士崔铉进《续会要》四十卷,修撰官杨绍复、崔瑒、薛逢、郑言等赐物有差。

魏謩等《文宗实录》

《旧唐书·宣宗本纪》:大中八年,魏謩修成《文宗实录》四十卷,修史官给事中卢耽、太常少卿蒋偕、司勋员外郎王汾、右补阙卢吉,颁赐银器锦彩有差。

郑朗等兼修《国史》

《旧唐书·宣宗本纪》:大中十一年二月,以集贤殿大学士上柱国赐紫金鱼袋郑朗,可监修国史,十月以宰相崔慎由兼修国史。

以上宣宗时

蒋伸监修《国史》

《唐书·蒋乂传》:子伸,懿宗即位,兼刑部尚书,监修国史。

蒋偕等《文宗实录》

《旧唐书·蒋乂传》:子偕有史才,咸通中,与同职卢耽、牛丛受诏修《文宗实录》。

刘崇翌监修《国史》

《旧唐书·刘崇翌传》:咸通十二年,兼左仆射,监修国史。

以上懿宗时

萧观监修《国史》

《旧唐书·萧观传》:中和元年,兼吏部尚书,监修国史。

柳玘修《国史》

《唐书·柳玘传》:文德元年,以吏部侍郎,修国史。

以上僖宗时

陆扈监修《国史》

《旧唐书·陆扈传》:光化三年,转门下侍郎,监修国史。

以上昭宗时

张文蔚等监修《国史》

《旧唐书·哀帝本纪》:天祐二年三月甲子,以张文蔚为中书侍郎同平章事,监修国史。五月丁亥,以翰林学士尚书职方郎中张策兼充史馆修撰,修国史。

以上哀帝时

贾纬《唐年补录》六十五卷

《五代史·贾纬传》:贾纬长于史学,唐自武宗以后,无实录。史官之职废。纬采次传闻为《唐年补录》六十五卷。当唐之末,王室微弱,诸侯强盛,天下多事,故纬所论次多所阙损,而丧乱之际,事迹粗存,亦有补于史氏。

贾纬《唐书》

《五代史·贾纬传》:贾纬,晋天福中为太常博士,非其好也。数求为史职,改起居郎、史馆修撰,与修唐书。

程匡柔《大唐补记》三卷

《值斋书录解题》:《大唐补记》三卷,南唐程匡柔撰。序言懿宗朝有焦璐者,撰《年代纪》,述神尧,止宣宗。匡柔袭三百年历,补足十九朝。起咸通戊子,止癸巳,附璐书中。乾符以后,备存《补记》。末有后论一篇,文辞虽拙,论议亦正。

(二)《旧唐书》已成后目

王溥《唐会要》百卷

《宋史·王溥传》:溥尝集苏冕《会要》及崔铉《续会要》补其阙漏为百卷,曰《唐会要》。

《玉海》建隆二年正月丁未,司空平章监修国史。王溥等上新编《唐会要》一百卷,文简理备。太祖嘉之,诏藏史馆,赐物有差。

《四库简目》:《唐会要》一百卷,宋王溥撰。唐苏冕尝次高祖至德宗之事,为《会要》四十卷,杨绍复等又采德宗至宣宗之事,续为四十卷,溥因二家原本补辑宣宗至唐末之事,以成此书。凡分目五百十卷,旧本残缺,佚其四卷,别本有补亡四卷,不知谁作,今并录以备参考,而各注补字于标目之下,使不相淆焉。

《四库总目》:《唐会要》一百卷(浙江汪启淑家藏本),宋王溥撰。溥字齐物,并州祁人,汉乾祐中登进士第一,周广顺初拜端明殿学士,恭帝嗣位,官右仆射,入宋仍故官,进司空同平章事,监修国史,加太子太师,封祁国公,卒谥康定,事迹具《宋史》本传。初,唐苏冕尝次高祖至德宗九朝之事,为《会要》四十卷。宣宗大中七年,又诏杨绍复等次德宗以来事,为《续会要》四十卷。惟宣宗以后,记载尚阙,溥因复采宣宗至唐末事续之,为新编《唐会要》一百卷。建隆二年正月奏御,诏藏史馆。凡分目五百十有四,于唐代沿革损益之制,极其详核。官号内有识量忠谏,举贤委任,崇奖诸条,亦颇载事迹,其琐细典故不能概以定目者,则别为杂录,附于各条之后。又间载苏冕驳议,义例该备,有裨考证。今仅传抄本,脱误颇多。八卷题曰郊仪,而所载乃南唐事,九卷题曰杂郊仪,而所载乃唐初奏疏,皆与目录不相应,七卷十卷亦多错入他文,盖原书残缺,而后人妄摭窜入,以盈卷帙。又一别本所阙四卷,亦同,而有补亡四卷,采缀诸书所载唐事,依原目编类,虽未必合溥之旧本,而宏纲细目,约略初具,犹可以见其大凡。今据以录入,仍各注补字于标目之下,以示区别焉。

《书目答问》:《唐会要》一百卷,宋王溥撰。聚珍本、福本。《补正》:广州局重刻聚珍本,苏州局本。

毕士安校《唐书》

《宋史·毕士安传》:咸平初,拜礼部侍郎,复翰林学士,诏选校勘《三国志》、晋、唐书。

《玉海》:咸平三年十月校《唐书》。

宋祁等重修《唐书》

《玉海》：庆历五年五月四日己未，诏王尧臣、张方平、宋祁等刊修《唐书》，久而未就。皇祐三年三月乙卯，宋祁就亳州修《唐书》，至和元年八月戊申，乃命欧阳修撰《唐书》纪表志，宋祁撰列传，范镇、王畴、宋敏求、吕夏卿、刘羲叟等同编修，凡十有七年而成。嘉祐三年十月庚子，命参政曾公亮提点编修《唐书》，至嘉祐五年而成，七月戊戌提点曾公亮上之（一本云六月二十四日进呈）。记十、志五十、表十五、列传百五十，凡废旧传六十一，增新传三百三十一，又增三志、四表，凡二百二十五卷，录一卷，修等进秩。

张九成《唐鲰》五十卷

《郡斋读书附志》：《唐鲰》五十卷，张文忠公九成所著也。公尝谓纪、志出于欧阳公，列传出于宋公，天文、律历、五行志则刘羲叟为之，方镇、百官表则梅尧臣为之，礼仪、兵制初出于王景彝，未竟而卒。每患首尾不相贯属，遂总其条纲，稽其同异，类聚而区别之。

王曙《唐书备问》三卷

《宋史·王曙传》：曙字梅叔，河南人，赠太保中书令，谥文康，著《唐书备问》三卷。

陈彭年《唐纪》四十卷

《宋史·陈彭年传》：彭年字永年，抚州南城人，卒赠右仆射，谥文僖，著《唐纪》四十卷。

《文献通考》：《唐纪》四十卷，巽岩李氏曰，故参知政事陈彭年撰。彭年在真宗时，以博学称，凡朝廷大制作，大议论，多出其手。彭年所撰《唐纪》，盖用编年法，次刘明远新书，最号疏略，故三百年治乱善恶之迹，彭年亦多所脱遗，其后欧阳修、宋祁别修纪志表传，及司马光编辑《资治通鉴》行于世，则彭年此纪，空无足现，然彭年之用意亦勤矣，犹可与袁干、裴元等备一家言。

宋敏求《唐实录》百四十八卷

《宋史·宋绶传》：绶子敏求，字次道，进士及第，为馆阁校勘，会王尧臣修《唐书》，以敏求习唐事，奏为编修官，持祖母丧，诏令居家修书，补唐武宗以

下六世实录 百四十八卷。

吕夏卿《唐书直笔》四卷

《郡斋读书志》：《唐书直笔》四卷，皇朝吕夏卿撰。夏卿强记绝人，预修新史。其在书局时所建明，欧、宋间有取焉。如增入高祖字叔德之类是也。

《值斋书录解题》：《唐书直笔新例》四卷，修书官温陵吕夏卿撰。纪、传、志各一卷，摘旧史繁阙。又为《新例须知》附于后，略举名数，如目录之类。

《浙江采进遗书目》：《唐书直笔》四卷（知不足斋写本），宋晋江吕夏卿撰。夏卿曾预修《新唐书》，此编皆言《新书》书法，欧、宋两公，间有采同，亦不能尽从也。后附新例若干则。

《郡斋读书志》：《唐书新例须知》一卷，记《新书》比旧增减志传及其总类。

《四库简目》：《唐书直笔》四卷，宋吕夏卿撰。夏卿尝预修《唐书》，此其预局时所作，前二卷论纪传志，三卷论旧史繁文阙误，四卷为新例须知，即所拟发凡也。宋祁、欧阳修不尽用其说，然《宋史》称其于《新唐书》最有功，世系诸表，皆出其手。

《四库总目》：《唐书直笔》四卷（浙江巡抚采进本），宋吕夏卿撰。案曾公亮进《唐书表》所列预纂修者七人，夏卿居其第六，本传亦称夏卿学长于史，贯穿唐事，博采传记、杂说数百家，折衷整比。又通谱学，创为世系诸表，于《新唐书》最有功，是其位虽出欧阳修、宋祁下，而编摩之力，实不在修、祁下也。据晁公武《读书志》，是书乃其在书局时所建明，前二卷论纪传志，第三卷论旧史繁文阙误，第四卷为新例须知，即所拟发凡也。惟晁氏作《唐书直笔》四卷，《新例须知》一卷，而此本共为四卷，或后来合并欤。晁氏称夏卿此书，欧、宋间有取焉。所有未符，乃欧、宋所未取者，然是丹者非素，论甘者忘辛，著述之家，各行所见，其取者未必皆是，其不取者未必皆非。

《郑堂读书记》：《唐书直笔新例》四卷（嘉定王氏藏书，旧抄本）宋吕夏卿撰（夏卿字缙叔，泉州晋江人，举进士官至直秘阁同知礼院知颍州）。《四库全书》著录，无新例二字。《书录解题》有之。《读书志》则分《直笔》四卷，《新例须知》一卷。陈氏云纪传志各一卷，末一卷为旧史繁阙，又为《新例须知》

附于后,略举名数,如目录之类云云。与今本合,或后来合并欤。缙叔与欧、宋等同修《新唐书》,而此书所述体例,与《新书》多不合,如书母,书内禅,书立皇太子,书立皇后,书命将征伐诸条,按之本纪,无一同者。又谓仆故怀恩不当立传,宜见于《铁勒传》。李白、杜甫因列传不入文苑,李适之当附《恒山王传》,今本皆不录。是缙叔虽建议如此,而欧、宋不用其言也。观其条例烦烦,正是宋人气习,去唐初诸家远矣。是本首尾两页,俱有王西泚(鸣盛)私印二,知为其家藏本云。

《适园藏书志》:《唐书直笔新例》五卷(影宋抄本),宋吕夏卿撰。此影宋写本,卷一帝纪,卷二列传,卷三誉摘繁文缺误,卷五新例须知。聚珍本作四卷,卷一二帝纪,卷三列传志,摘旧史繁文缺误,卷四新例须知,全然不合,又涂改夷狄等字,几至文理茫昧,馆臣无论旧刻名钞,随手删节涂改,不依本书次第,原书间本存者,犹可考见当日武断气象,此书亦其一也。

《邵亭知见传本书目》:《唐书直笔》四卷,宋吕夏卿撰。聚珍本闽覆本,桐华馆刻。

吕夏卿《唐书兵制》三卷

《郡斋读书志》:《兵制》三卷,皇朝吕夏卿撰。公武得之于宇文时中,季蒙题其后云,夏卿修唐史,别著《兵制》三篇(一作卷),自秘之,戒其子弟勿妄传。鲍钦止吏部好藏书,苦求得之。其子无为太守恭孙偶言及,因恳借钞录于吴兴之山斋。

《四库总目》:晁氏别载夏卿《兵志》三卷,称得于宇文虚中,季蒙题其后曰,夏卿修唐史,别著《兵志》三篇,自秘之,戒其子弟勿妄传。鲍钦止吏部好藏书,苦求得之。其子无为太守恭孙偶言及,因恳借钞录于吴兴之山斋云云。然则夏卿之于《唐书》,盖别有所见,而志不得行者,特其器识较深,不肯如吴缙之显攻耳。今《兵志》已不可见。

孙甫《唐史记》七十五卷

《宋史·孙甫传》:著《唐史记》七十五卷,每言唐君臣行事,以推见当时治乱,若身历其间,而听者晓然,如目见云。时人言终日读史,不如一日听孙论也。唐史藏秘阁。

孙甫《唐史论断》三卷

《郡斋读书志》：《唐史要论》十卷，皇朝孙甫之翰撰。欧阳永叔、司马温、公苏子瞻称其书议论精核，以为旧史所不及。

《值斋书录解题》：《唐史论断》三卷，天章阁待制阳翟孙甫之翰撰。甫以《唐书》烦冗遗略，多失体法，乃修为《唐史》，用编年体。自康定元年逮嘉祐元年，成七十五卷，为论九十二首。甫没，朝廷取其书留禁中，其从子察录以遗温公，而世亦罕见。闻蜀有刻本，偶未得之，今惟诸论存焉。

《郡斋读书附志》：《唐史论断》二卷，朝散大夫、尚书刑部郎中、充天章阁待制兼侍读孙甫之翰所撰也。甫，阳翟人，国史有传。

《浙江采进遗书目》：《唐史论断》三卷（写本），天章阁待制许州孙甫撰。朱彝尊跋曰，甫以刘昫《唐书》繁冗失体，改用编年法，著《唐纪》七十五卷，没后诏求其书，留之禁中，此则其论断也。庐陵欧阳氏、涑水司马氏、眉山苏氏、南丰曾氏交叹美之。

《四库简目》：《唐史论断》三卷，宋孙甫撰。甫尝改刘昫《唐书》为编年，中系论断九十二篇，后《唐史》散佚，惟论断以有别本得存。朱子尝谓其议论胜《唐鉴》，今观二书，亦互有利钝也。

《四库总目》：《唐史论断》三卷（浙江鲍士泰家藏本），宋孙甫撰。甫字之翰，阳翟人，举进士，历官右正言，迁天章阁待制，河北转运使，兼侍读，事迹具《宋史》本传。陈振孙《书录解题》称甫以刘昫《唐书》烦冗遗略多失体法，乃改用编年体，创始于康定元年，藏事于嘉祐元年，勒成《唐纪》七十五卷，其间善恶分明，可为龟鉴者，各系以论，凡九十二篇。甫没后，《唐纪》宣取留禁中，其从子察尝录副本遗司马光，世亦罕见，惟论断独传。绍兴二十七年，尝镂版于剑州，后蜀版不存，端平乙未，黄准复刻于东阳。《宋史·艺文志》作二卷，《文献通考》作十卷，此本仅三卷，盖本从《唐纪》钞出别行，非其旧帙，故卷数多寡，随意分合，实无二本也。前为自序一篇，未附司马光跋，曾巩、欧阳修所作墓志行状，苏辙答李荐书，张敦颐《后序》，皆推重是书，甚至朱子亦称其议论胜《唐鉴》云。

《邵亭知见传本书目》：《唐史论断》三卷，宋孙甫撰。学海本、艺海珠尘

本、函海本、学津讨原本。

王居中《唐论》二卷

《郡斋读书附志》：《唐论》二卷，宣教郎、前太平州州学教授王居中撰。程公许、韩祥、韩补皆序之。

窦苹《唐书音训》四卷

《郡斋读书志》：《唐书音训》四卷，皇朝窦苹撰。《新书》多奇字，观者必资训释。苹学问精博，发挥良多，而其书时有攻苹者，不知何人附益之也。苹元丰中为详断官，相州狱起，坐议法不一，下吏。蔡确笞掠之，诬服，遂废死。

《直斋书录解题》：《唐书音训》四卷，宣义郎汶上窦苹叔野撰。

佚名《唐书音义》三十卷

《郡斋读书志》：《唐书音义》三十卷，未详撰人。比窦氏书大略同而稍异，乃析为三十卷。

范祖禹《唐鉴》二十四卷

《郡斋读书志》：《唐鉴》二十卷，皇朝范祖禹醇夫撰。醇夫为温公通鉴局编修官十五年，分掌唐史，以其所自得者，著成此书，取武后临朝二十一年，系之中宗，其言曰：此《春秋》“公在乾侯”之义也。虽得罪于君子，亦所不辞。观此，则知醇夫之从公，决非苟同者。凡三百六篇。

《直斋书录解题》：《唐鉴》十二卷，翰林学士成都范祖禹醇夫撰。祖禹与修《通鉴》，分主唐史。元祐初上此书，考其治乱兴废之由，为三百六篇。

《四库简目》：《唐鉴》二十四卷，宋范祖禹撰，原本十二卷，吕祖谦注之，乃卷析为二。其书摘唐事，标题系以论断，敷陈剖切，于法戒多所申明。

《四库总目》：《唐鉴》二十四卷（副都御史黄登贤家藏本），宋范祖禹撰。吕祖谦注。祖禹字醇夫，华阳人，嘉祐八年进士，历官龙图阁学士，出知陕州，事迹附见《宋史·范镇传》中。初，治平中，司马光奉诏修《通鉴》，祖禹为编修官，分掌唐史，以其所自得者著成此书，上自高祖，下迄昭宣，撮取大纲，系以论断，为卷十二，元祐初表上于朝。后谦为作注，乃分为二十四卷。蔡

缘《铁围山丛谈》曰：祖禹子温游相国寺，诸贵瑁见之，皆指目曰：此《唐鉴》之子，盖不知祖禹为谁，独习闻有《唐鉴》也。则是书为当世所重可知矣。张端义《贵耳集》亦记高宗与讲官言，读《资治通鉴》知司马光有宰相度量，读《唐鉴》知范祖禹有台谏手段，惟《朱子语录》谓其议论弱，又谓有不相应处。然《通鉴》以武后纪年，祖禹独用沈既济之说，取武后临朝二十一年系之中宗，自谓比《春秋》公在乾侯之义，且曰虽得罪君子，亦所不辞，后朱子作《通鉴纲目》，书帝在房州，实仍其例。王懋竑《白田杂著》，亦曰范醇夫《唐鉴》言有治人无治法，朱子尝鄙其论，以为苟简，而晚年作《社仓记》，则亟称之，以为不易之论，而自述前言之误。盖其经历既多，故前后所言有不同者，读者宜详考焉。未可执一说以为定也。然则《朱子语录》之所载，亦未可据以断此书矣。

《郡亭知见传本书目》：《唐鉴》二十四卷，宋范祖禹撰，明吕镗刊本，弘治十年白昴刻本，宋版小字本。

吴缜《新唐书纠谬》二十卷

《郡斋读书志》：《唐书辨证》二十卷，皇朝吴缜撰。缜，字廷珍，成都人，仕至郡守。数《新书》初修之时，其失有八类，其舛误二十门，凡四百余事。缜不能属文，多误有诋诃，如《新书·张九龄传》云：武惠妃陷太子瑛，遣宫奴告之曰：废必有兴，公为援，宰相可常处。九龄奏之，故卒九龄相而太子无患。缜以为时九龄已相而太子竟以废死，以为《新书》似实而虚。按史之文谓终九龄在相位日，太子得不废也，岂谓卒以九龄为相，太子终无患乎。初名《纠谬》，其后改云《辨证》，实一书也。

《直斋书录解题》：《唐书纠谬》二十卷，朝请大夫知蜀州成都吴缜廷珍撰。其父师孟，显于熙、丰。序言修书之时，其失有八，而纠摘其谬误，为二十门。侍读胡宗愈言于朝，绍圣元年上之。世传缜父以不得预修书，故为此。

《浙江采进遗书目》：《新唐书纠谬》二十卷（刊本），宋朝请郡成都吴缜撰。凡二十门，一曰以无为有，二曰似实而虚，三曰书事失实，四曰自相违舛，五曰年月时世差互，六曰官爵姓名谬误，七曰世系乡里无法，八曰尊敬君亲不严，九曰纪志表传不相符合，十曰一事两见而异同不完，十一曰载述脱

误,十二曰事状丛复,十三曰宜削而反存,十四曰当书而反阙,十五曰义例不明,十六曰先后失序,十七曰编次未当,十八曰予夺不常,十九曰事有可疑,二十曰字书非是。盖颇欲为欧、宋之诤友也。

《四库简目》:《新唐书纠谬》二十卷,宋吴缜撰。分二十门,所驳凡四百余事,虽未免有意吹求,然亦多中其失。世所行本,多佚脱倒乱,今以南宋槧本校补著录焉。

《四库总目》:《新唐书纠谬》二十卷(两淮盐政采进本),宋吴缜撰。缜字廷珍,成都人。尝以朝散郎知蜀州,后历典数郡,皆有惠政。其著此书,专以驳正《新唐书》之讹误,凡二十门,四百余事。初名《纠谬》,后改为《辨证》,而绍兴间长乐吴元美刊行于湖州,仍题曰纠谬,故至今尚沿其旧名。王明清《挥麈录》称欧阳修重修《唐书》,时缜尝因范镇请预官属之末,修以年少轻佻拒之。缜鞅鞅而去。及《新唐书》成,乃指摘瑕疵为此书。晁公武尝引张九龄为相事,谓其误有诋诃,今观其书,实不免有意掇击。如第二十门《字书非是》一条至历指偏旁点画之讹,以讥切修等,大都近于吹毛索瘢。然欧宋之作新书,意主文章而疏于考证,抵牾踳驳,本自不少,缜自序中所举八失,原亦深中其病,不可谓无裨史学也。今世所行刊本,第二十卷《柳宗元传》,至《苏定方传》,凡六条,皆全脱,而错入第六卷郭潜曜,姓不同以下四条之文,重复舛误,已非完书。独两淮所进本,尚属南宋旧槧。其《柳宗元传》六条,原文具在,谨据以订正焉。

《郑堂读书记》:《新唐书纠谬》二十卷(知不足斋丛书本),宋吴缜撰(缜字廷珍,成都人,官朝议大夫朝散郎)。《四库全书》著录,《读书志》(史评类)、《书录解题》、《通考》(史评类)、《宋志》俱载之。惟晁马两家俱作《唐书辨证》,云初名《纠谬》也。其书为辨正《新唐书》而作,凡分二十门,四百余事。前有元祐四年自序,称《新书》讹文谬事,历历具存,愚方从宦巴峡,僻陋寡闻,无他异书,可以考证,止以本书自相质正,已见其然,若广以他书校之,则其穿穴破碎,不止此而已。余谓只就一部书中搜求,自言寡闻,固矣,然并《旧唐书》亦绝不一参对,为太省事耳。其指摘却亦有精当处,诚后代作史者所当鉴也。中间纠正书事不实,体例不当处,固难为欧、宋两家解,然亦有率

意掎击,不细审其前后语意而误纠者,亦有因一字笔误过于辞费者。顾其论之正者,则固未可没也。王氏(明清)《挥麈录》载嘉祐中宋景文欧阳文忠诸公重修《唐书》,时吴缜初登第,因范景仁而请于文忠,愿预官属之末,文忠以年少轻佻拒之。缜恚甚而去。迨《新唐书》成,乃指摘瑕疵,为《纠谬》一书。而《书录解题》又谓缜父以不得预修书,故为此。夫文章天下之公器,本难防人之诋疵。其后廷珍于《新书》反复参究,正属好学深思之士,而乃为修怨起见,一则谓其复父仇,一则谓其报宿怨,说已两歧,恐非实录。前并有绍圣元年进表,后有绍兴戊午长乐吴(元善)序。此本为钱竹汀所校,间有校语,附注各条之下,并为之跋。又附《挥麈录》一则,晁陈书目二则,顾涧蓑(千里)手札一道,陶氏《说郛》载有一卷,则俱是书之标题也。

郢亭知见传本书目》:《新唐书纠谬》二十卷,宋吴缜撰。知不足斋本。绍兴长乐吴元美刊于湖州。海虞赵开美校刊本。

章学诚《唐书纠谬书后》:吴缜《唐书纠谬》凡二十卷。一曰以无为有,二曰似实而虚,三曰书事失实,四曰自相违舛,五曰年月时日差互,六曰官爵姓名谬误,七曰世系乡里无法,八曰尊敬君亲不严,九曰纪表志传不相符合,十曰一事两见而异同不完,十一曰载述脱误,十二曰事状丛复,十三曰宜削而反存,十四曰当书而反阙,十五曰义例不明,十六曰先后失序,十七曰编次未当,十八曰予夺不常,十九曰事有可疑,二十曰字书非是。观其贯穿全书,用心精密,诚有功于研唐事者,前人比之箴膏肓,起废疾,殆将过之,无不及也。

附录:卢文劭《新唐书纠谬校补》

按:见《群书拾补目》著录。

樊先生《注唐纪》十卷

《郢斋读书志》:《注唐纪》十卷,题曰樊先生而不详其名,近代人所注《新书纪》也。

适适先生《唐史评》三卷

《郢斋读书志》:《唐史评》三卷,题曰适适先生,不详何人。门人谯孝宁为编次。

王沿《唐志》二十一卷

《宋史·王沿传》:字圣源,历龙图直学士,有《唐志》二十一卷。

李及之《君臣龟鉴》八十卷

《宋史·李迪传》:迪子及之尝撰次《唐史》有益治体者,为《君臣龟鉴》八十卷,王尧臣上其书,并表其学行。

李绘《补注唐书》二百二十五卷

按:见《宋史·艺文志》著录。

董氏《唐书释音》二十五卷

按:见《通志·艺文志》著录。《浙江图书馆目》:《唐书释音》二卷,宋董衡撰(浙江局本)。

佚名《史系》二十卷

《通志·艺文志》:《史系》二十卷,自会昌至光启时事,有《礼乐》《刑法》《食货》《五行》《地理志》《孝行》《忠节》《儒林》《隐逸》传。

叶学士《唐史抄》十卷

按:见《宋史·艺文志》著录。注云:不知作者。

陈惇修《唐史断》二十卷

按:见《宋史·艺文志》著录。

佚名《唐书精语》一卷

按:见《宋史·艺文志》著录,不著撰人名氏。

王谏《唐史名贤论断》十一卷

按:见《宋史·艺文志》著录。

汪应辰《唐书列传辨证》二十卷

《直斋书录解题》:《唐书列传辨证》二十卷,端明殿学士玉山汪应辰圣锡撰。专攻列传,不及纪、志,以元祐名贤谓列传纪事,毁于镌削,暗于藻绘,故随事辨证之。

佚名《唐书策要》二十卷

按：见《京师图书馆善本书目》著录，详《史记策要》条。

吕祖谦《新唐书略》三十五卷

《直斋书录解题》：《新唐书略》三十五卷，吕祖谦授徒，患新史难阅，摘要抹出，而门人抄之。盖节本之有伦理者也。

刘朔《唐书注》

按：见《福建通志·艺文志》著录。注云：刘朔，绍熙三十年进士。

真德秀《唐书考疑》

按：见《福建通志·艺文志》著录。注云：真德秀，庆元五年进士。

赵善应《唐书遗录》

按：见《江西通志·艺文志》著录。注云：赵善应，朱子撰墓志，字彦远，余干人。

王十朋《唐书详节》

按：见《文渊阁书目》著录。

桂绩《节唐书》五十卷

按：见《江西通志·艺文志》著录。

金龙光《广唐书》三十卷

按：见《安徽通志·艺文志》著录。注云：金龙光，婺源人。

徐次铎《徐氏唐书》三百篇

按：见《浙江通志·艺文志》著录。

徐次铎《唐书释纠辨谬》十卷

按：见《浙江通志·艺文志》著录。

唐仲友《唐史义》十五卷

按：见《宋史·艺文志》著录。

唐仲友《续唐史精义》十卷

按：见《宋史·艺文志》著录。

程鹏《唐史属辞》

按:见《宋史·艺文志》著录。

韩子中《新唐史辨惑》六十卷

按:见《宋史·艺文志》著录。

吕祖谦《唐书详节》六十卷

按:见《汇刻书目》著录。详《史记详节》条。

钱端礼《新唐书提要》三卷

按:见《四库存目》著录,详《史记提要》条。

佚名《唐书叙例目录》一卷

按:见《宋史·艺文志》著录。

佚名《唐书总纪帝系》三卷

按:见《宋史·艺文志》著录。

张唐英《唐史发潜》六卷

按:见《宋史·艺文志》著录。

以上宋时人

张翼子《唐史卮书》三十卷

按:见《钱补元史艺文志》著录。

郝敬《旧唐书琐琐》四卷

按:见《八千卷楼书目》著录。

项笃寿《唐书论赞》七卷

按:见《四库存目》著录。详《史记论赞》条。

李东阳《新旧唐书杂论》一卷

《四库存目》:《新旧唐书杂论》一卷(两淮马裕家藏本),明李东阳撰。是编摘《唐史》事迹,辨其是非,所论太宗明皇之事为多,持论亦皆平允。然东阳依违避祸,固位取容,其论宋璟不与反正之功,无害宰相之体,实阴以自

解。其论狄仁杰、褚遂良优劣，谓二人易地，仁杰必能强谏于武后初立之时，遂良必不能成功于武后既篡之后。及论德宗猜忌，元载凶嫉，李泌能周旋其间，亦隐然自以调停为功。其驳胡寅论高力士一条，及论姚崇任谄用诈一条，亦欲以持论之正，自盖其所为也。

《郑堂读书记》：《新旧唐书杂论》一卷（借月山房汇抄本），明李东阳撰（东阳字宾之，号西涯，茶陵人。天顺甲申进士，官至谨身殿大学士，谥文正）。《四库全书》存目。是书皆摘论唐事，凡三十则，而论太宗明皇为多。论虽平允，而实阴以自解。所论宋璟、狄仁杰、褚遂良、姚崇诸条，究不免借以文其过也。然就通体观之，其垂戒人主，至为深切，殊胜于范氏《唐鉴》诸论矣。

丁禹《唐书纪粹》八十卷

按：见《秘省书目》著录。注云：阙。

佚名《唐国史纂异》

按：见《遂初堂书目》著录，不著撰人名氏。

佚名《读唐偶订》二卷

按：见《遂初堂书目》著录，不著撰人名氏。

袁祥《新旧唐书折书》二十四卷

按：见《浙江通志·艺文志》著录。

以上元明时人

齐召南《旧唐书律历天文考证》二卷

按：见《台州经籍志》著录。注云：今存，见《大清一统志》，《天台耆旧传》。

钱大昕《唐学士年表》一卷

按：见《书目答问》著录。注云：德清徐氏刻本。

沈炳震《新旧唐书合钞》三百七十二卷

《浙江图书馆目》：《新旧唐书合钞》三百七十二卷，沈炳震撰。附丁子复

补正六卷,同治辛未武林吴氏清来堂重校补刊本,此书与《史钞》名同实异,故张氏《书目答问》列于《新唐书纠谬》后,不与《南北史记小录》等为伍。

《郑堂读书记》:《唐书》二百六十卷附《补正》六卷(海昌查氏刊本),国朝沈炳震撰(炳震字寅馭,一字东甫,归安人,乾隆丙辰荐举博学鸿词)。一名《新旧唐书合钞》,或省新旧二字。新旧《唐书》瑕瑜互见,其有待于后人之讨论也久矣。东甫以《新书》简严,而《旧书》详备,故本纪列传,一以《旧书》作大文,而《新书》分注。惟《旧书》诸志,多有阙略,其阙者故当从《新书》增入,他如《天文》《五行》《地理》诸志,转以《新书》作大文,而《旧书》分注。各注从《新书》本,则注从《新书》,增以别之。其列传亦同斯例。凡序次先后,略为更定,自有所见,则加案焉。至《宰相》、《宗室》二表,皆从《新书》增。《新书》方镇表,但书地书官,而不书人,最为阙典。东甫则按年谱入,可以考一时用人之得失。《宰相世系表》本非正史所宜有,因别为订讹,不列于全书。是皆斟酌于两书间,精思博考,以成一代之书,洵为后来者居上矣。前有雍正癸丑柯石庵(煜)序,及《钞例》,并原书撰人姓名,及曾(可亮)《进表》。其书未刊,旋歿,钱香树(陈群)得其遗稿,时值开馆,校刊诸史,遂以进呈,奉旨交史馆采用。故《两唐书考证》中,多引其说。查蟾余(世倓)购得抄本,属嘉兴丁小鹤(子复)校正开雕,复采原案所未及者,著《补正》六卷,并识其首,亦可谓沈氏之功臣矣。后有嘉庆癸酉蟾余跋。

赵绍祖《新旧唐书互证》二十卷

按:见《八千卷楼书目》著录,注云:广雅局本。

沈炳震《唐书宰相世系表订讹》

按:见《涵芬楼书目》著录。

《郑堂读书记》:《唐书宰相世系表订讹》十二卷(海昌查氏刊本),国朝沈炳震撰。东甫以表所列官爵谥号,或书或否,或丞尉而不遗,或卿贰而反阙,或误书其兄弟之官,或备载其褒赠之职,更或其生平所偶历及未尝居是官者,庞杂淆乱,不可究诘。因取经史所载,可为援据者,详为校正,眉列于下,别为一册,不列入《唐书合钞》中。其所订讹之处,固足以针欧公之膏肓矣。然唐人文集碑刻可资考证者甚多,东甫亦未尝津逮也。钱竹汀《潜研堂文

集》(二十八)有是书跋,亦深不满之。且谓豆卢氏有后魏太保襄城公鲁元一人,东甫据《魏书》谓鲁元自姓卢氏,与豆卢绝不相蒙,其说似是。今考《鲁元传》,曾祖副鸠仕慕容垂为尚书令临泽公,而表亦以尚书令临泽敬侯制为鲁元曾祖。制与副字形相似,官与封号又同,唯公侯字小异,则明是一人表,但脱去鸠字耳。《周书·豆卢宁传》称昌黎徒何人,《鲁元传》亦称昌黎徒何人,而慕容实出徒何,则鲁元为慕容之裔审矣。魏初改慕容为豆卢氏,犹之改秃发为源氏,其单称卢者,必是孝文改代北复姓时,去豆存卢,故魏收史因之。宇文泰据关中,悉复代北氏族之旧,故《周书》豆卢宁改从本氏。犹乙之为乙弗,尉之为尉迟也。东甫勤于考史,而未悟及此,乃知好学而能深思者之难云云。可谓切中其病矣。总之,东甫既为两书合钞,而以此表置之全书之外,殊属武断。若以此表舛讹特甚,故不敢承认袭谬,列于全书,貽误后贤,不知两书纪传,以唐人文集碑刻证之,其舛讹亦何减是表,宜竹汀诋为好学而未能深思也。

丁小鹤《新旧唐书合钞补正》

按:见《书目答问》著录,注云:有刊本,未见。《补正》:丁氏《补正》六卷,海宁查世倌刻本,即附新旧唐书合钞后。

陈黄中《新唐书刊误》三卷

按:见《书目答问》著录,注云:未刊。

罗士琳等《旧唐书校勘记》六十六卷

按:见《书目答问》著录,注云:罗士琳、陈立、刘文淇、刘毓崧同校。

岑建功《旧唐书逸文》十二卷

按:见《书目答问》著录,注云:扬州岑氏附《旧唐书》刻本。《补正》:官版今归江宁局。

沈维贤《唐书西域传注》

按:见《涵芬楼书目》著录。

吴建燮《唐方镇年表考证》二册

按:见《赵氏藏书目》著录。注云:铅印本。

张大龄《唐藩镇指掌》二册

按:见《赵氏藏书目》著录。注云:梢帆楼本。

闻人诠《旧唐书本》

《涵芬楼书目》重刊闻人诠本《旧唐书》,定远方氏仿惧盈斋。

钱大昕《唐书考异》十六卷,《旧唐书考异》四卷

按:见《潜研堂全书目》著录。详见《史记考异》条。

张道《旧唐书疑义》四卷

《书目答问补正》:钱塘张道《旧唐书疑义》四卷,武昌局刻,正览楼丛书本。

武亿《新唐书注》

按:见《书目答问补正》著录,注云:未刊。

唐景崇《两唐书校注》

按:见《书目答问补正》著录,注云:未刊。

华湛恩《唐藩镇表》

按:见《书目答问补正》著录,注云:未见传本。

丁谦《新唐书突厥传地理考证》一卷

按:见《浙江图书馆丛书目》著录。

丁谦《新唐书北蕃传地理考证》一卷

按:见《浙江图书馆丛书目》著录。

丁谦《新唐书回纥等国传地理考证》一卷

按:见《浙江图书馆丛书目》著录。

丁谦《新唐书沙陀传地理考证》一卷

按:见《浙江图书馆丛书目》著录。

丁谦《新唐书北狄传地理考证》一卷

按:见《浙江图书馆丛书目》著录。

丁谦《新唐书东夷传地理考证》一卷

按：见《浙江图书馆丛书目》著录。

丁谦《新唐书南蛮传地理考证》一卷

按：见《浙江图书馆丛书目》著录。

丁谦《新唐书西域传地理考证》一卷

按：见《浙江图书馆丛书目》著录。

杨守敬《唐地理志图》

按：见《观海堂汇刻目》著录。

蔡巴针《读旧唐书随笔》一卷

按：见陶辑《豫章丛书》（光绪十六年刊）目著录。

李赓芸《唐学士年表》

按：见嘉定《李氏遗书目》著录。

李赓芸《续唐学士年表》

按：见嘉定《李氏遗书目》著录。

董沛《唐书方镇表考证》二十卷

按：见《书目答问补正》著录，注云：未刊。

张宗泰《新唐书天文志疏证》

按：见《书目答问补正》著录，注云：未刊。

以上清人

罗振玉《补唐书张义潮传》

按：见《涵芬楼书目》著录。注云：雪堂丛书本。

以上今人